



Broj: 02-02-1103-1/23
Lukavac, 04.08.2023. godine

Na osnovu člana 108., a u vezi sa članom 41. Statuta Općine Lukavac – prečišćeni tekst („Službeni glasnik Općine Lukavac“, broj: 5/08 i 1/14), Budžeta Grada Lukavac za 2023. godinu („Službeni glasnik Grada Lukavac“ br. 2/23, 9/23 i 10/23), člana 22. Odluke o izvršenju Budžeta Grada Lukavac za 2023. godinu („Službeni glasnik Grada Lukavac“ br.2/23), Programa utroška sredstava Transfera Službe za društvene djelatnosti i upravu Grada Lukavac za 2023. godinu („Službeni glasnik Grada Lukavac“ br. 6/23 i 11/23), člana 3. Pravilnika o kriterijima i postupku raspodjele sredstava za sufinansiranje/finansiranje projekata iz oblasti kulture, sporta i drugih oblasti („Službeni glasnik Grada Lukavac“, br. 2/22 i 6/23), na prijedlog Službe za društvene djelatnosti i upravu Grada Lukavac, Gradonačelnik, objavljuje

JAVNI POZIV
za dostavljanje projekata iz oblasti kulture, sporta i drugih oblasti
koji će se realizirati u periodu do 31. decembra 2023. godine

Član 1.

(1) Objavljuje se javni poziv za dostavljanje projekata iz oblasti kulture, sporta i drugih oblasti koji će se finansirati sredstvima budžeta Grada Lukavac, a koji će se realizirati u periodu od dana objavljivanja Javnog poziva do 31. decembra 2023. godine.

(2) Iznos raspoloživih sredstava planiranih za ovu namjenu je utvrđen na sljedećim ekonomskim kodovima u Budžetu Grada Lukavac:

Ekonomski kod 614122: „**Transfer za sport**“, Tačka 11. Programa utroška sredstava Transfera Službe za društvene djelatnosti i upravu Grada Lukavac za 2023. godinu („Službeni glasnik Grada Lukavac“ br. 6/23 i 11/23) „**Projekti u oblasti sporta**“,

Ekonomski kod 614122: „**Transfer za sport**“, Tačka 8. Programa utroška sredstava Transfera Službe za društvene djelatnosti i upravu Grada Lukavac za 2023. godinu („Službeni glasnik Grada Lukavac“ br. 6/23 i 11/23) „**Memorijalni turniri**“,

Ekonomski kod 614121: „**Transfer za kulturu**“, Tačka 4. Programa utroška sredstava Transfera Službe za društvene djelatnosti i upravu Grada Lukavac za 2023. godinu („Službeni glasnik Grada Lukavac“ br. 6/23 i 11/23) „**Podrška KUD i JU u oblasti kulture**“,

Ekonomski kod 614121: „**Transfer za kulturu**“, Tačka 2. Programa utroška sredstava Transfera Službe za društvene djelatnosti i upravu Grada Lukavac za 2023. godinu („Službeni glasnik Grada Lukavac“ br. 6/23 i 11/23) „**Projekti za nevladin sektor, MZ, i JU**“,



Ekonomski kod 614121: „**Transfer za kulturu**“, Tačka 7. Programa utroška sredstava Transfera Službe za društvene djelatnosti i upravu Grada Lukavac za 2023. godinu („Službeni glasnik Grada Lukavac“ br. 6/23 i 11/23) „ **Ostali projekti u oblasti kulture**“.

Član 2.

(1) Sredstva iz člana 1. ovog Javnog poziva dodjeljuju se:

1. za projekte boračkih udruženja i organizacija
2. za projekte Osnovnih i srednjih škola sa područja grada Lukavac
3. za projekte omladinskih organizacija sa područja grada Lukavac
4. za projekte Javnih ustanova sa područja grada Lukavac
5. za projekte Mjesnih zajednica sa područja grada Lukavac
6. za projekte i programe nevladinih organizacija iz oblasti kulture, umjetnosti, sporta, nauke, obrazovanja i očuvanja tradicije,
7. za projekte i programe nevladinih organizacija iz oblasti zaštite životne sredine (okoliša), turizma i privrede,
8. za projekte i programe nevladinih organizacija iz oblasti socijalne politike (socijalne i zdravstvene zaštite i pomoći) uključujući i humanitarne organizacije,
9. udruženjima čija je primarna oblast kultura i umjetnost, za organizaciju kulturno-umjetničkih manifestacija na području grada Lukavac,

(2) Pravo na dodjelu sredstava ostvarit će aplikanti sa područja grada Lukavac koji ispunjavaju slijedeće uslove:

- da su osnovani i registrovani u Bosni i Hercegovini,
- da su vođeni od strane državljana Bosne i Hercegovine,
- da imaju sjedište na području grada Lukavac,
- da su projekti i programi u potpunosti ili djelimično namijenjeni građanima grada Lukavac,
- da su projekti ili programi usmjereni na realizaciju ciljeva iz strateških dokumenata Grada Lukavac,
- da se projekti i programi realizuju u periodu za koji je raspisan Javni poziv
- da ne obavljaju aktivnosti u ime političkih partija,
- da su opravdali sredstva po ranije dodjeljenim projektima, ukoliko su im bila odobrena.

(3) Izuzetno, sredstva za finansiranje i sufinansiranje projekata i programa iz Budžeta Grada Lukavac mogu se dodijeliti nevladinoj organizaciji (uključujući i humanitarne organizacije) koja nema registrovano sjedište na području grada Lukavac, za projekte koji se ne realizuju na području grada Lukavac, ako u realizaciji projektnih/programskih aktivnosti takvih nevladinih organizacija učestvuju građani sa područja grada Lukavac koji čine: marginalizirane osobe, osobe kojima je potrebna socijalna i zdravstvena pomoć, osobe oboljele od različitih bolesti i slično.

(4) Sredstva se mogu dodijeliti i aplikantima sa sjedištem izvan grada Lukavac, a koji su registrovani na području Bosne i Hercegovine, pod uslovom da je implementacija projekta od interesa za grad Lukavac, što će komisija cijiniti u svakom konkretnom slučaju.

Član 3.

(1) Sredstva iz Budžeta Grada Lukavac mogu se dodijeliti za realizaciju projekata iz sljedećih oblasti:

- zaštite i promocije ljudskih prava i prava djeteta,
- unaprjeđenja socijalne zaštite, zaštite civilnih žrtava rata i zaštite porodica sa djecom, podršku boračkim kategorijama,
- podršku mladima i djeci kroz susrete, takmičenja, kulturne i sportske djelatnosti i edukaciju,
- demokratizaciju i razvoj civilnog društva,
- zaštitu i očuvanje zdravlja i životne sredine (ekologija),
- zaštitu i očuvanje kulturne baštine naroda i nacionalnih manjina BiH i promociju njihovih kulturnih vrijednosti, očuvanja tradicije i njegovanje običaja,
- promociju volonterskog i humanitarnog rada u oblasti obrazovanja, kulture, sporta, socijalne zaštite, zdravstva i rada sa mladima i
- drugih oblasti za projekte kojima se unapređuje kvalitet življenja stanovnika Grada Lukavac i projekte kojima se obilježavaju značajni datumi Grada: „Dani Grada Lukavac“.

(2) Sredstva za sufinansiranje/finansiranje projekata iz oblasti kulture, sporta i drugih oblasti koje se finansiraju sredstvima Budžeta Grada Lukavac mogu se dodijeliti za sljedeće namjene:

NAUKA, OBRAZOVANJE, KULTURA, SPORT I OČUVANJE TRADICIJE

- projekti organizacije kulturno-zabavnih i sportskih manifestacija na području grada Lukavac i učešća na istim u BiH i inostranstvu, (pozorišne predstave, likovne kolonije, smotre folklor, sportska takmičenja i dr),
- projekti nabavke potrebnog materijala (platna za uređenje scene, platna za slikanje, boja, plakata, sportska oprema i dr.) za održavanje kulturno-zabavnih i sportskih manifestacija na području grada Lukavac,
- projekti dolaska, smještaja, ishrane i povratka kući likovnih umjetnika, učesnika likovne kolonije i sportista, učesnika sportskih manifestacija
- projekti muzičkih koncerata, festivala, izložbe slika i fotografija, filmske i audiovizuelne umjetnosti, manifestacija koje afirmišu tradiciju, promocije knjiga i časopisa,
- projekti prijevoza smještaja i ishrane do mjesta gdje se održava kulturno-zabavna ili sportska manifestacija u BiH i inostranstvu, ukoliko organizator iste ne finansira navedene troškove, ili organizaciji za izvođenje određenog programa ne isplaćuje novčanu naknadu,
- projekti nabavke narodnih nošnji, rukotvorina,
- projekti za pozorišne predstave,
- projekti značajni za oblast nauke i obrazovanja,
- projekti edukacije članova organizacije iz oblasti i djelatnosti za koje su registrovane (troškovi nabavke literature, troškovi nabavke kompakt diskova, naknade za predavače),
- ostali troškovi neophodni za kvalitetnu edukaciju, razvoj kulture, sporta, njegovanje običaja i slično.

BORAČKA POPULACIJA

- humanitarne aktivnosti usmjerene prema pripadnicima boračke populacije i članovima njihovih porodica (pomoć oboljelim, socijalno ugroženim i sl.),
- administrativni i materijalni troškovi projekta u iznosu do 20% od ukupnog iznosa dodijeljenih sredstava,
- organizovanje manifestacija i događaja vezanih za obilježavanje godišnjica značajnih datuma,
- drugi projekti značajni za boračku populaciju.

ZAŠTITA ŽIVOTNE SREDINE (OKOLIŠA)

- očuvanje, unaprjeđenje i zaštita životne sredine (okoliša),
- očuvanje i unaprjeđenje biodiverziteta, rijetkih i ugroženih vrsta flore i faune vodenih i kopnenih površina na području grada Lukavac,
- promocija kulturno-historijskih potencijala grada Lukavac
- projekti iz lovnog turizma,
- izrada putokaza, reklamnog materijala (majice, kape i sl.), uređenje prostora za planinske domove, uređenje terena za kamp šatore, regionalni susreti planinara i slično,
- čišćenje i uređenje izletišta, uređenje centra u okviru kojeg će se organizovati ekološke i kreativne radionice,
- projekti podizanja ekološke svijesti i edukacije djece i mladih o značaju zaštite životne sredine,
- projekti koji se odnose na obilježavanje značajnih datuma, koji se prevashodno odnose na obilježavanje Dana Grada Lukavac.

- drugi projekti neophodni za zaštitu životne sredine.

SOCIJALNA POLITIKA

(SOCIJALNA I ZDRAVSTVENA ZAŠTITA I POMOĆ)

- projekti za djecu sa posebnim potrebama,
- projekti za humanitarne aktivnosti organizacija i udruženja i dodjelu pomoći za penzionere, stare, iznemogle i bolesne osobe te osobe u stanju socijalne potrebe,
- troškovi prijevoza i drugi troškovi neophodni za uspješnu realizaciju humanitarnih akcija,
- paketi bolesnim i nemoćnim članovima udruženja koja se bave pitanjima socijalne i zdravstvene zaštite i pomoći,
- takmičenje iz prve pomoći,
- organizacija događaja i datuma značajnih za stanovništvo koje ima potrebu socijalne i zdravstvene zaštite i pomoći,
- drugi troškovi neophodni za socijalnu i zdravstvenu zaštitu i pomoć stanovništva.

Član 4.

(1) Projekti koji se neće finansirati :

- projekti organizacija koja nisu izvršila svoje obaveze po ranije odobrenim projektima finansiranim iz Budžeta Grada Lukavac,
- projekti koji se baziraju na investicionim ulaganjima, adaptaciji ili izgradnji kapitalnih objekata, ili na kupovinu opreme, osim ako je oprema neophodna za uspješnu implementaciju projekta,
- projekti kojima je predviđen dio administrativnih i materijalnih troškova (električna energija, voda, telefon, kancelarijski materijal i sl.) veći od 20% ukupnog iznosa projekta,
- projekti koji su usmjereni prema političkim aktivnostima,
- projekti koji su namijenjeni za isključivu dobit pojedinca,
- projekti koji se zasnivaju na dodjeljivanju sredstava trećoj strani,
- zakup kancelarijskog prostora, naknade za rad predsjednika, potpredsjednika i sekretara,
- naknade za rad upravnog odbora ili drugih upravljačkih struktura organizacije,
- troškove reprezentacije predsjednika i drugih lica iz upravljačke strukture udruženja.

(2) Projektni prijedlozi sa nepotpunom dokumentacijom i dostavljeni izvan predviđenog roka neće biti razmatrani niti finansirani.

Član 5.

(1) Organizacije se prijavljuju na javni poziv isključivo na jednu od oblasti koje su definisane članom 3. Javnog poziva, u zavisnosti od toga koja im je oblast djelovanja primarna po statutu.

(2) Jedna organizacija može aplicirati sa maksimalno tri projekta u toku jedne budžetske godine.

(3) Aplikant je dužan dostaviti projekat na propisanom obrascu u roku koji je propisan Javnim pozivom.

(4) Projekat mora biti realiziran u vremenskom periodu za koji se raspisuje Javni poziv, počevši od dana raspisivanja Javnog poziva do posljednjeg dana vremenskog perioda za koji se raspisuje Javni poziv.

(5) Vrijednost svakog pojedinačnog projekta ne može biti veća od 3.000,00 KM niti manja od 500,00 KM.

Član 6.

(1) Prijava projekta se podnosi na Aplikacionom obrascu kojeg propisuje nadležna Služba, a koji se može preuzeti na web stranici Grada Lukavac www.lukavac.ba

(2) Aplikanti koji se prijavljuju na javni poziv, osim popunjenog aplikacijskog obrasca koji mora biti potpisan i ovjeren od strane odgovorne osobe, dužni su dostaviti sljedeću dokumentaciju:

- **Posljednje važeće Rješenje o registraciji javne ustanove, udruženja/fondacije ili Izvod iz Registra ne starije/i od 6 mjeseci**
- **Uvjerenje o poreznoj registraciji - ID broj,**
- **Bilans stanja i bilans uspjeha za prethodnu godinu.**
- **Potvrda iz banke o posjedovanju aktivnog tekućeg -transakcijskog računa**

(3) Svi dokumenti mogu biti u formi kopije ovjereni pečatom aplikanta, a po potrebi originalni dokumenti mogu biti traženi na uvid.

Član 7.

(1) Komisija vrednuje prijedloge projekata/programa prema kriterijima s pripadajućim brojem bodova:

a) Finansijski i operativni kapacitet:

- Iskustvo aplikanta i njegovih partnera u upravljanju projektima,
- Stručni kapaciteti aplikanta i njegovih partnera,
- Upravljački kapaciteti podnositelja prijedloga i partnera (osoblje, oprema, sposobnost upravljanja budžetom)

b) Relevantnost:

- Relevantnost projekta u odnosu na cilj, da li projekat obuhvata jedan ili više prioriteta javnog poziva,
- Jasna definisanost i strateški odabir učesnika uključenih u projekt (partneri u provođenju projekta, krajnji korisnici, ciljne grupe),
- Definisanost potreba ciljnih grupa i krajnjih korisnika,
- Da li projekat posjeduje dodatne kvalitete, kao što su inovativan pristup i modeli dobre prakse?
- Prijedlog projekta zagovara model politike baziran na pravima i ima utjecaj na manje zastupljene grupe ili pojave u društvu (promovitiše ravnopravnost spolova i osnaživanje žena, zaštitu okoliša, međunacionalnu saradnju itd.)

c) Metodologija:

- Da li su predložene aktivnosti odgovarajuće, praktične i dosljedne ciljevima i očekivanim rezultatima,
- Održivost cijelog dizajna projekta (da li odražava analizu uočenih problema, moguće vanjske faktore);
- Zadovoljavajući nivo uključenosti i angažiranja partnera u realizaciji projekta,
- Da li projekt sadrži objektivno mjerljive indikatore rezultata aktivnosti? (je li ijedan od indikatora gender senzitan ili gender indikator)

d) Održivost:

- Konkretna utjecaj aktivnosti predviđenih projektom na ciljne grupe,
- Višestruki utjecaj projekta (mogućnost primjene na druge ciljne grupe ili provedbu u drugim sredinama),
- Jesu li očekivani rezultati predloženih aktivnosti institucionalno održivi? (Hoće li strukture koje omogućuju da se aktivnosti nastave postojati na kraju projekta? Hoće li postojati lokalno "vlasništvo" nad rezultatima projekta?)
- Jesu li očekivani rezultati predloženih aktivnosti održivi? (ako je moguće, navesti kakav će biti strukturalni utjecaj provedenih aktivnosti – npr. hoće li doći do poboljšanja pravne regulative, metoda i pravila ponašanja itd.).
- Je li vjerojatno da će očekivani dugoročni rezultati imati utjecaja na lokalne gospodarske uvjete i/ili kvalitetu života u ciljnim područjima?

e) Budžet i racionalnost troškova

- Odnos između procjenjenih troškova i očekivanih rezultata,
- Predloženi troškovi neophodni za implementaciju projekta.
- Budžet: Je li budžet jasan i uključuje li i narativni dio? (omogućena opravdanost za tehničku opremu). Da li je zadovoljeno načelo prema kojem administrativni i troškovi osoblja ne prelaze 20% ukupnih troškova? Da li je budžet rodno osjetljiv? Gdje je primjenljivo, jesu li priložene biografije uposlenih i opisi radnih mjesta?

(2) Kriteriji evaluacije podijeljeni su na sekcije i podsekcije. Svaka podsekcija se obavezno ocjenjuje ocjenama između 1 i 5 na sljedeći način: 1 = veoma loše; 2 = loše; 3 = odgovarajuće; 4 = dobro; 5 = veoma dobro.

(3) Samo projekti koji su dobili preko 50 bodova će biti razmatrani za finansiranje.

(4) Projekti čiji su zahtijevani budžeti preko 2.000,00 KM, da bi bili uzeti u razmatranje za finansiranje u iznosu većem od 2.000,00 KM, trebaju dobiti preko 75 i više bodova u procesu evaluacije.

(5) Napomena o Sekciji 1. Finansijski i operativni kapacitet podnosioca prijave

Ukoliko je ukupan zbir u **Sekciji br.1 niži od 10 bodova**, projekat će biti isključen iz daljeg evaluacionog procesa, jer je procijenjeno da OCD nema minimalne kapacitete za kvalitetnu implementaciju predloženog projekta.

(6) Napomena o Sekciji 2. Relevantnost

Ukoliko je ukupan zbir u **Sekciji 2, niži od 18 bodova**, projekt će biti isključen iz daljeg evaluacionog procesa, jer ovakva procjena podrazumjeva da, iako podnosioc prijave zadovoljava finansijske i operativne kapacitete, sama projektna ideja nije relevantna niti u skladu sa definisanim prioritetima iz javnog poziva, te ne utiče u dovoljnoj mjeri na zadovoljenje potreba lokalne zajednice.

Član 8.

(1) Sa aplikantima čiji projekat bude odobren bit će zaključen ugovor.

(2) Aplikanti čiji projekti budu odobreni su dužni u roku od 30 (trideset) dana od dana realizacije projekta opravdati dodijeljena sredstva, a najkasnije do 31. decembra tekuće godine, u suprotnom su dužni izvršiti povrat istih.

Član 9.

(1) Svu potrebnu dokumentaciju dostaviti lično na pisarnicu Grada Lukavac u zatvorenoj koverti ili poslati preporučenom poštom na adresu:

GRAD LUKAVAC
Služba za društvene djelatnosti i upravu
Trg slobode broj 1. 75300 Lukavac
sa obaveznom naznakom:

**Prijava na Javni poziv
za dostavljanje projekata iz oblasti kulture, sporta i drugih oblasti
koji će se finansirati/sufinansirati sredstvima budžeta Grada Lukavac-
„Ne otvarati“.**

Kontakt osoba: Minela Ćosić, stručni savjetnik za poslove društvenih djelatnosti, kancelarija broj 34.

Tel: 035/366-738

E-mail: minela.cosic@lukavac.ba

Član 10.

(1) Javni poziv ostaje otvoren 15 (petnaest) dana od dana objavljivanja na Oglasnoj ploči i web stranici Grada Lukavac.

(SVE DOKUMENTE POTREBNO JE DOSTAVITI SLOŽENE I NUMERISANE REDOSLIJEDOM KAO U PRIJAVI).

Obrađivač
M.Ć

POMOĆNIK GRADONAČELNIKA
Mirela Bubić, dipl. pravnik

GRADONAČELNIK
dr. sc. Edin Delić

Dostaviti:

1. Služba za društvene djelatnosti i upravu,
2. Evidencija 2x,
3. Oglasna ploča 2x,
4. a/a